

nubem istam, *Summus Sacerdos*, rite, & ex lege præcripta, coram *Propitiatorio*, excitaverit, אַרְאָה Apparebo ego ei. i. e. *Gratiosum* ego me ipsi, atque universo, pro quo supplex intercedit, populo *Israelitico*, super *Propitiatorio*, exhibebo.

§. IO. Ipsius, itaque, *Populi Israelitici*, etiam, respectu, amplissimum, maximeque spectabile, כְּפֹרַת, officium fuit: Inde, enim, DEUS populo suo notum se faciebat, *Summoque Pontificii* ad interrogata, per URIM & THVMMIM, e medio duorum *Cheruborum*, respondebat. O itaque, felicem istum populum, qui gratiose, ibidem, dicta, ac monita saluberrima, ministerio *Summi* sui *Sacerdotis*, ex ore ipsius DEI, percipiebat!

§. II. Tandem, quoque, idem istud, כְּפֹרַת, officium, respectu totius generis humani, celebratissimum erat, quatenus, nimirum, typice, & respectu CHRISTI, quidem, utpote, quem, alias, quoque, accurate, præfiguravit, in idem illud, pientissimo affectu, introspicitur. Explicat hoc ipsum LIGHTFOOTVS, elegantissime, quando de *Cherubis*, præter cætera, commentatur: Alter alterum intuebatur, sed ambo *Propitiatorium*; sic duo *Testamenta*, *Vetus*, & *Novum*, se mutuo respiciunt; sed ambo Christum. Idem faciunt due Ecclesie, *Judaorum* & *Gentium*. De *Propitiatorio*, autem, dicit: Vti DEVS, inde, *Israelitis* loquebatur, ita DEVS nobis, per CHRISTVM. Hebr. I. v. i. Constatbit, ita, ex his, quod iste, qui τὸ כְּפֹרַת, PROPITIATORIUM, *Vet. Testamenti*, non solum, proxime; sed, etiam, remote, sincero affectu, meditabitur, egregium, quoque, & nunquam, satis, deprædicandum, Ejusdem officium fuisse, ut præfigurare, & adumbrare, CHRISTVM debuerit, devoto, submissoque, cultu fateri, necessum habeat.

PARS